

## AUGLÝSING

91

5. maí

um breyting á gjaldskrá fyrir sjóveitu Vestmannaeyjakaupstaðar,  
nr. 46 29. marz 1938.

### 1. gr.

1. gr. gjaldskrárinnar orðist svo:

Verð á sjó til fiskþvotta skal vera 2 krónur fyrir hverja smálest af ísvörðum, hraðfrystum, söltuðum og þurrkuðum fiski.

### 2. gr.

Gjaldskrá þessi öðlast þegar gildi.

Gjaldskrá þessi er hér með sett samkvæmt lögum nr. 28 8. sept. 1931, um sjóveitu í Vestmannaeyjum, og birtist til eftirbreytni öllum þeim, sem hlut eiga að máli.

Jafnframt fellur úr gildi auglýsing um sama efni, nr. 28 16. marz 1940.

*Atvinnumálaráðuneytið, 5. maí 1950.*

**Ólafur Thors.**

*Gunnl. E. Briem.*

## REGLUGERÐ

92

9. maí

um breyting á reglugerð nr. 161 frá 7. des. 1944, um breyting á reglugerð um fjallskil í Norður-Múlasýslu og Seyðisfjarðarkaupstað, nr. 48 frá 29. maí 1934.

### 1. gr.

Í stað orðanna í 3. gr., 1. mgr., „Markaskrá skal samin 5. hvert ár, þegar ártalið stendur á heilum tug eða hálfum“, komi: Markaskrá skal samin 10. hvert ár, þegar ártalið stendur á hálfum tug.

Í stað orðanna „5. hvert“ í 2. mgr. komi: 10. hvert.

### 2. gr.

Reglugerð þessi öðlast þegar gildi.

Reglugerð þessi, sem samin hefur verið og samþykkt af sýslunefnd Norður-Múlasýslu og bæjarstjórn Seyðisfjarðarkaupstaðar, staðfestist hér með samkvæmt 41. gr. sveitarstjórnarlaganna, nr. 12 31. maí 1927, og birtist til eftirbreytni öllum þeim, sem hlut eiga að máli.

*Landbúnaðarráðuneytið, 9. maí 1950.*

**Hermann Jónasson.**

*Árni G. Eylands.*